



KOMUNIKADO PA PRENSA

Servisio Meteorológiko Kòrsou ta pone un fin na servisionan na Islanan BES

Entrante di 1 di yanüari 2016 Servisio Meteorológiko Kòrsou (MDC) lo no ta responsabel mas pa dunamentu di servisio meteorológiko òf emití pronóstiko di wer pa públiko en general ni na sektornan di aviashon i nabegashon pa Boneiru, Sint Eustatius i Saba. E tarea aki lo ser hasí e ora ei dor di e Instituto Real Meteorológiko di Hulanda (KNMI).

Na momentu di desmantelashon di Antianan Hulandes, e Minister di Hulanda, notando ku e dunamentu di servisio prestá dor di MDNAA tabata ser hasí na nivel internashonal, a pidi MDC pa sigui duna e servisionan aki, pa asina garantisá continuidad di servisionan meteorológiko na Boneiru, Sint Eustatius i Saba. Un protokòl ku ta regla e kooperashon entre di e servisionan meteorológiko aki a ser firmá e tempu ei dor di e Ministernan di Kòrsou i Hulanda.

Entrante di 1 di yanüari 2016, KNMI lo ta responsabel pa prepará pronóstiko i atvertensha pa públiko general na Boneiru, Sint Eustatius i Saba. Ademas di esei KNMI lo duna servisio tambe na sektornan di aviashon i nabegashon riba e islanan aki.

Durante di bishita último di nos Minister na Den Haag serka di e Sekretario di Estado responsabel pa asuntunan meteorológiko, a tuma e desishon tambe, ku responsabilidadat pa e kuater empleadonan di Meteo na Boneiru lo a ser tumá over dor di KNMI entrante 1 di yanüari 2016.

Gobièrnu di Kòrsou semper ta dispuesto pa yuda pueblo di Boneiru, Sint Eustatius i Saba, ya ku kasonan di mal tempu repentino por tin konsekuenshanan atverso.

Pa Servisio Meteorológiko Kòrsou tabata un plaser di ta responsabel i a monitoriá i pronostiká wer pa Boneiru, Sint Eustatius i Saba durante di último añanan. Tambe nos ta yama gezaghebbnan di e Islanan BES danki pa e konfiansa ku nan a hinka den MDC. Awor ku KNMI ta tuma over e responsabilidadat aki, nos ta deseá nan hopi éksito.